

consultissimi COTHMANNI *conf. 40. n. 51. & sq. vol. 1.* vbi tamen nec quicquam huc faciens inuenire potui. Eadem dicit MEVIVS *l. c. qu. 7. n. 37. & qu. 10. n. 31.* Saxonia enim tam late patet, vt in superiorem & inferiorem describatur. Ad hanc vero referunt Westfaliam.

§. X.

Fuerunt tamen, qui pro iure *Sosatie* legendum esse censuerunt *Holsatie*. Is est HERM. CONRINGIVS, vir cetera acris ingenii *de orig. iur. germ. c. 28.* qui auctoritate sua in ad sensum pertraxit LAMBECIUM *origin. Hamburgens. tom 1. p. 101.* & BANGERTVM *in not. ad Arnold. Lubecensem.* Falso. Nec minimam enim veritatis speciem habet, in Arnoldi codicibus ad vnum omnibus, & diplomate Adolphi, eundem scribæ errorem occurrere, & pro notis vocabulis *Holsatiæ* & *Holsatensium*, vtrobique minus notas *Sosatiæ* & *Susatensium* voces esse substitutas. Credat hoc iudæus apella. HENR. MEIBOM. *introd. ad histor. Sax. infer. p. 82. seq.* ostendit, quomodo ius *Susatense* è *Westfalia* in *Wagriam* remotam delatum fuerit, & criticos istos audaces secus sentientes, ac Arnoldi locum temere sollicitantes, acriter castigat. Add. vir illustris NIC. HIERON. GVNDLINGIVS *in schediasm. de iure oppugn. territor. p. 55.* Sane, CONRINGIVS, academiae *Iuliae* Doctor, aliquid dedisse videtur adfectui *Helmstadiensium* in *Westfalos*. Hi enim, vti quondam ad omnia civium iura & immunitates, in primis magistratum gerendum, *Westfalos* non admitterunt,